

小倉山房文集卷八

錢唐袁枚子才

武英殿大學士太傅鄂文端公行畧

昔蘇軾不及見范文正公爲終身憾枚猶得見鄂文端
公公方圓廣頰鬚髯若神色溫而語莊而兼春秋二氣
自命過高常卑視古人氣出其上然于近今人才一善
一技不肯忘以爲坐政事堂批勅尾非宰相事也宰相
事在進賢退不肖而已賢不肖不可卒知則姑就其文
章之表著者考之故每一鄉會試必採訪如飢渴胸中
有某某皆非素相知及溫卷者已未禮闈撤公立宮門
向閣學蔣公曰簡泰今年愧死闈後閱人文所卜悉不

雖惟袁枚一人驗耳聞出君門下非君誰光我顏者蔣
故公年家子聞甚喜而此科大總裁趙相國等相顧愕
然枚聞雖感公竟不知公從何處見枚文也以公位尊
亦不敢一謁謝壬戌試翰林翻譯枚最下等公所定也
啓糊名大恨召枚往賜飯與深語且曰觀汝狀貌
天子必用汝汝爲外吏必職辦或憂汝能文不任吏事
非知汝者嗚呼公之知枚如是枚旣早退不獲有所建
白以彰公知人之明意欲報公以文章而公之行事又
無從搜輯屢呼負負今年秋公長子容安來督兩江將
趨庭時所服存手集昔命枚具筆牘受辭乃得粗舉梗
概以備國史之遺謹按公諱爾泰字毅菴滿洲鑲藍旗

人西林者其舊居部落也高祖屯太率汪領七刺人
太祖高皇帝曾祖裔捫襲佐領從征張理陣亡父拜官
國子監祭酒公以舉人侍衛從

聖祖獵和詩稱 旨授內務府郎中郡王某至暴抗也
屬公事不應召公將杖之公袖匕首見曰士可殺義不
辱王敬其強直謝之雍正元年典雲南鄉試還授江蘇
布政使康熙末年縉紳橫甚抗稅旅距小民公用能吏
趙向奎等一大創之設春風亭招致文士大將軍年羹
堯勢方張遣奴至蘇撫軍參中門迎奴奴來見公公高
坐召入問爾主安否奴見公甚莊嚴不得已屈膝出年
亦無如何巡撫雲南先是雲南貴州廣西三省苗屢撫

屢反公奏欲百年無事非改土歸流不可欲改土爲流
非大用兵不可宜悉令獻土納貢違者勦疏上盈廷失
色

世宗大悅曰卿朕奇臣也此天以卿賜朕也命公進呈
生年日月與怡賢親王赴養心殿手鑄三省總督印付
公公知人善任賞罰明肅一時麾下文武張廣泗張允
隨元展成哈元生韓勳董芳等各以平苗立功致身通
顯然土官自漢唐世襲二千餘年雄富敵國一旦入版
圖受官吏約束心終不甘諸漢姦又陰嗾之改歸後反
者歲數起蜀之烏蒙窩泥滇黔之泗城長寨車擺夷粵
之西隆州相繼驛驗鎮沅苗縛知府劉宏度于杜裸淫

其女而頭曳之然後剖心祭旗公慙怒次骨奏請禡
討賊贖罪世宗以爲多一次變動加一次平定便
詔不許公感上恩益奮督軍嚴賊所獲苗皆剝腸截
脰分挂崖樹幾滿見者胆裂繳上苗賽弓刀鎗砲軍器
無萬數丙午用兵至庚戌功成乃造橋雲貴交界處號
庚戌橋開通黔滇路八百餘里先是孟養苗與老撾國
相連明正德間作亂兵部尚書王驥率兵十二萬平之
立石金沙江羣夷驚從古未有然歸後又叛至公而安
營設汛如內地矣常親巡三省窮邊六千餘里沿路諸
頭目金環花衣焚香俯伏怒子莽子南詔諸國遣使上
表獻倣錢寶布金盤銅蟒等物皆離中原萬里者也新

開古州丹江禾長八尺穗雙岐豆如栗子大。世宗批
劄云朕實感謝矣不知如何待卿而後心安封襲勤伯
授武英殿大學士入都會准噶爾未平命公爲西路經
畧賜金甲上方劍出巡阿爾蘇歸奏西夷未可卒滅擾
敝中華無益果親王從西藏歸與公言同。世宗竟罷
兵與天下休息公受。世宗非常之知入朝盡三鼓方
出語秘外莫能知每具一疏雖請安慶賀極尋常劄子
上必嘉獎忠誠頒示天下常云朕有時自信不如信鄂
爾泰之專事無小大必命鄂爾泰平章以聞以故公所
到處巡撫以下出境千里拜謁虔若天人從雲貴入相
八總兵跪送泣曰公行矣某等無以報願昇公須臾望

見。顏。色。公。未。及。答。八。人。者。素。拳。勇。直。前。擊。去。與。夫。麟。服。
珊。瑚。冠。肩。公。而。行。數。里。外。一。總。兵。忽。亡。去。七。人。喪。耦。不。
得。已。皆。散。行。百。里。外。見。草。中。孔。雀。翎。彪。彪。然。膝。行。奔。前。
抱。公。靴。大。慟。聲。盡。咯。血。則。前。亡。去。總。兵。狼。山。鎮。某。也。公。
亦。潛。然。淚。承。睫。下。入。朝。首。薦。之。遷。松。江。提。督。公。以。身。
殉。國。知。無。不。爲。一。切。嫌。疑。形。迹。無。所。避。門。庭。洞。開。賓。客。
車。馬。麻。集。漏。盡。乃。已。督。三。省。時。疏。一。切。水。道。滇。之。昆。明。
海。口。黔。之。磁。硯。八。達。粵。之。楊。林。諸。河。俱。宜。流。貫。行。商。貨。
麇。至。貴。州。布。政。使。申。大。成。請。軍。田。加。稅。將。軍。鄂。彌。達。請。
丈。坎。隱。田。部。議。允。行。公。惡。其。言。利。皆。奏。阻。之。尤。護。持。善。
類。前。滇。督。高。其。倬。楊。名。時。俱。獲。罪。楊。待。鞠。而。高。修。城。公。

每見此二人談移日從者放儀仗軒睡或四散新撫朱
綱欲入楊罪呼三木以待軍民洶洶欲爲變公力護持
乃免楊夜夢羣蜂攢囓一神人以袖揮之散及見公如
夢中貌貴州巡撫何世璠以名儒爲糧道李日更所劾
公昭雪之經畧歸世宗命戶部尚書海望爲治第凡
什物於禁盤匪械審之屬必具已報齊矣命昇堂上几
視之以爲竊取大怒召海叩頭請易乃已及公
入朝奏事畢曰卿勿還舊居可赴新居手書公忠弼亮
四字賜之侍衛十人捧而隨公公入宸翰亦入聞府
中無園圃命以藩邸小紅橋園賜公而中分其半爲
軍機房公弟爾奇提督九門兼兵部尚書公力爭不可

受直言雲南司道賀慶雲見大理令劉某獨曰某眼珠
實不見慶雲公嘿然心嘉其直薦之枚初見公便問張
負稱堯夷一氣所生公報虐以威度劉太重公笑曰五
十年後自有定論也 世宗晚年召公宿禁中逾月不
出人皆不測 上意公亦自危八月二十三日夜 世
宗升遐召受顧命者惟公一人公慟哭捧 遺詔從圓
明園入禁城深夜無馬騎煤騾而奔擁 今上登極宿
禁中七晝夜始出人驚公左袴紅濕就視之髀血泔泔
下方知倉卒時爲驟傷虹潰未已公竟不知也乾隆元
年每行一政下一詔海內喁喁拜泣歌舞以爲堯舜復
出有歸美于公者公悚然曰天生聖人社稷之福也老

小倉山房

卷八

五

臣何力之有焉年六十九薨天子親奠配享太廟
謚文端有奏疏詩集各若干卷子某某

光祿寺卿沈公行狀

公姓沈諱起元字子大世居太倉父宏受號白澗先生
與相國王公接爲布衣交高隱不仕著述千萬言生先
生愛其穎悟曰此兒須我自教也辭千金館穀閉門督
課以康熙庚子舉人辛丑進士入翰林改吏部員外
世宗登極嚴六部缺主之禁不自首者死直隸學政缺
主事發公爭曰此與六部缺主不同學政衡文缺主不
能爲弊宜減死爲流 世宗嘉公有識召見授興化府
知府當是時 世宗風聞閩中倉穀多虧 命內大臣
伊拉齊等率謁選州縣六十餘員按覆之諸員爭得缺
盤斛苛煩仙遊令某受代不收碎米公怒曰穀以備賑

也。碎米亦可療飢。斗升既足。何事紛紜。諸大府無以難。一時播慶之風。爲之稍戢。總督高文良公奏開南洋已帖黃曉示矣。有旨禁內地商羈留外國。高公猶豫命商人戚里具原船往回結狀。方許放行。公諫曰。此法立將一船不得行。高問故。曰。出洋者生死疾病無常。數貨物利鈍無常。期此豈內地戚里所能逆料而爲之具結者乎。且公無開洋之示。商無怨也。今商既得此好消息。造船者費若干。製貨者費若干。忽以結狀相撾。是明誘之而暗苦之也。商必怨。且走南洋者。需北風。今立春已半月。倘結狀來。北風不來。彼失業商。聚集廈門。或爲盜賊。害將何已。言未竟。高色變。曰。君欲云何。曰。據起元意。

但令出洋商自具狀以三年爲期如過期者不聽回籍
卽以此狀咨部足矣故事驗放官興泉道及泉防同知
也洋船水手多寡視樑頭大小民懼納稅大輒報小及
出口船不得行乃求增水手同知張某馳啓督撫公攝
道篆後到曰此啓誤矣水手定額工部所頒督撫不能
增勢必咨請部示從此駁詰不已奈何俄而衆商具牒
願自掉船免增水手張不可公夜叩張門曰南風起矣
衆商懼不得行故爲此請君再固執必生他變張不得
已驗船放行船中商果已集無賴袖瓦石將堵張門當
是時微公幾不測初兩院閱張牒方仰天愕眙計無所
出及此信聞乃大喜嘉獎者再而海口商民變詛爲祝

權。舞。者。數。萬。人。遷。臺。灣。道。臺。田。以。甲。論。每。甲。十。畝。有。奇。
國。初。以。鄭。氏。稅。簿。爲。額。較。內。地。賦。加。重。幸。欺。隱。者。多。民。
不。爲。困。雍正。五。年。丈。量。法。行。民。多。棄。產。逃。公。請。于。高。公。
曰。人。謂。欺。隱。清。可。減。增。漕。十。萬。此。妄。說。也。第。恐。科。則。不。
定。或。比。舊。額。轉。少。必。干。部。駁。爲。今。計。宜。令。舊。甲。悉。依。舊。
數。而。丈。出。新。田。照。同。安。下。則。起。科。俟。欺。隱。盡。清。之。後。再。
將。舊。甲。舊。賦。通。勻。于。新。田。輕。賦。之。上。則。國。課。民。生。兩。無。
所。病。高。從。之。至。今。臺。灣。民。安。其。居。國。安。縣。民。率。氏。與。顏。
氏。有。仇。自。殺。其。弟。婦。誣。顏。按。察。使。潘。體。豐。不。能。察。具。獄。
上。總。督。命。公。殺。訊。公。平。反。之。潘。怒。以。他。事。中。公。落。職。家。
居。今。上。元。年。起。用。爲。江。西。驛。鹽。巡。道。尋。遷。河。南。按。察。

使直隸布政使內遷光祿寺正卿以老乞歸年七十六卒公長身廣額白鬚偉然待後進諸生慊慊如不及而于權貴處屹不可動在閩時巡撫常安屬司海關吏白故事司關者到必先以名紙謁巡撫家奴公大駭不可一切驗放南面指揮諸奴悚息垂手唯唯及常去後撫朱定元向公問常奴賦狀公不對朱強之曰起元但知常公在關革除浮稅四千金此外非所知也戶部尚書海望奏清理直隸旗地有司違限奉旨嚴斥總督高公命公劾數州縣以自解公不可曰旗地非旦夕可清州縣方災何暇了此公必劾官當自藩司始十二年直隸旱 駕幸東魯高公以迎 鑾事重命檢戶口十一

月開賑公力陳民困甚慮不及待高愠曰必若此君自具奏公嘿然出苦言于清河道方公觀承求通其意甚婉高亦悟卒從公言公性儉自奉一篇之外無他過菜口不言生產事歷任脂膏而蕭然四壁于官爵黜陟視若浮雲初署臺灣知府到官日生番越獄前守劉某曰獄匙未交是我責也公曰守印已受是我責也爭開失察職名大府嘉其有讓遂兩免之所著學古錄四卷古文八卷詩四卷子某

記富察中丞四事

東粵近海南諸夷中國兩戒之守以廣州虎門爲限乾隆八年紅毛國伐呂宋勝之俘五百人午其衆順帆泊虎門粵東大駭總督策楞召布政使託公曰外夷交攻揚兵我境勦之于聽之于國體奚宜公曰當使進表稱貢獻所俘五百人請公處分策笑有愠色喏曰君直戲耳紅毛雖夷非癡人其肯以萬里全勝之師受驅使耶君言之君能之乎公曰不能固不敢言策愈愠曰君果能恣君所請公笑曰無多請也請飭印知縣楊叅將聽指揮六日內復命印令者才而敏楊叅將者修幹偉將有將貌者也策許之公出召印令曰我欲使汝教紅

毛國進表稱貢獻所俘五百人。請制府處分。印令驚如
策所云。公曰。汝直未思耳。紅毛伐呂宋。涉大海數千里。
糧能足乎。船漂浪擊。風必損壞。不于此修蓬櫓。其能歸
乎。此如嬰兒寄食于人。小加裁禁。立可餓殺。何說之不
能從。制軍易吾言。不問吾故。未以此意曉之。印令大喜。
奮曰。如公言。足以辦矣。與叅將楊領百人。短後衣持彈。
據獅子洋。而營焉。密令米商閉戶。遇糴紅毛人來探告。
之曰。中國無他意。慮奸民欺汝。外夷以行濫物。誘汝錢。
故來相護耳。紅毛人解意去。然望其炊烟。漸縷縷希。
矣。居亡何。紅毛總兵求見。坐定。未言。印令呵之曰。中國
久以虎門爲限。條禁森嚴。汝兩國交關。不偃旗疾過。乃

揚兵于此大悖我制府性暴好用兵我等未敢遽白所以守此者欲斷汝糧餓死汝然後白制軍紅毛總兵意大沮目叅將叅將禁聲鬚髯怒張叱嗟而已總兵愈恐伏地請曰誠然糧盡然終非有心犯天朝也公幸赦之且教之令微露其意紅毛人泣曰若然誠天幸也請代申此言今日不可吾爲汝告方伯大人方伯大人爲汝告制軍階級尚多通達尚難汝一旦失信則我等先爲汝獲罪故不敢也曰紅毛自具牒申請何如令爲不得已而強應曰可紅毛人抱弩負羈手加額匍伏進表貢所俘五百人乞制府處分策公大悅竟以五百人仍還呂宋而賞賜紅毛聽其還國越一年呂宋修怨于紅毛

遣兵數千駐澳門揚言待紅毛來戰總督又詢公公曰此可一罵遣之也紅毛國小而強屢勝呂宋國大而弱屢敗以大國敗于小國慮四隣輕之欲洒削其恥又不欲從海直下挑戰紅毛故逗遛我地自張虛聲公前將紅毛所俘五百人送還伊國恩甚大可仍命印令往道破彼情歸由責直彼雖夷必無辭而退如公言呂宋兵船即日搖舫去

乾隆七年粵東旱攘竊填衢總督張示禁小錢且曰平糶三米厥宜減一糶者無過二升公聞大驚召廣州知府曰民情甚迫而糶厥轉減汝能保十日內無事乎曰不能五日何如曰不能公厲聲曰吾欲汝保十五日無

事。汝。不。能。吾。手。斬。汝。知。府。踞。而。請。曰。今。一。日。難。保。而。公。云。十。五。日。何。也。公。曰。固。也。待。吾。言。之。制。軍。所。以。減。糶。者。慮。米。不。繼。故。留。餘。于。倉。也。不。知。民。情。一。變。倉。之。餘。官。能。留。乎。不。若。傾。倒。出。之。使。民。知。之。爲。今。計。宜。增。一。廩。爲。四。廩。宜。不。計。斗。石。宜。兼。收。小。錢。如。制。軍。教。朝。夕。難。保。如。吾。教。十。五。日。可。保。十。五。日。中。倉。未。竭。雨。必。至。民。將。大。安。第。恐。汝。違。吾。言。先。白。制。軍。致。掣。吾。肘。則。事。敗。矣。事。敗。民。變。均。死。也。不。如。斬。汝。死。死。乃。有。名。知。府。叩。頭。出。如。公。教。民。懽。聲。如。雷。越。八。日。天。雨。米。尚。餘。五。千。石。有。奇。雨。後。大。官。行。香。謝。神。將。軍。某。謾。曰。吾。欲。絕。公。交。公。驚。問。將。軍。曰。當。制。軍。令。下。時。民。心。震。動。意。在。必。亂。吾。卧。夜。不。閉。目。公。陰。

行善事消釋禍源而不先告我以寧我其能無絕交乎
公署廣東布政使前官程公仁沂被劾待罪廣州知府
來手一冊呈公曰此程獄詞公問訊乎曰未也然則何
以有詞曰向例撫軍劾官無所待訊不過擬供狀具獄
而已公微笑不應取所呈冊付家僮內藏之知府孫公
色甚和必重違撫軍意而喜已署藩司之將卽真也媿
媿然喜公正色責之曰訊百姓無先擬供法今訊藩司
大員而汝乃代爲之供藩司汝長官撫軍亦汝長官殺
長官媚長官于義何當我才短不能核人僞供故收藏
之明日將此冊奏 皇上候 聖裁知府陰喝汗下長
聽請曰某死罪此案良不實不圖公公正平恕一至于

此求賜還原冊。訊明再啓。公笑曰：能如是，吾何求與！
冊令出而遽呼騶從，見撫軍。撫軍者高郵王安國也。初及
程事，王起立拱手曰：微公言，吾早羞死矣。疏程陰事者，
程之同鄉同年知縣某也。訪之臬司某曰：頗聞之。訪之
巡道某，佯驚曰：聞之久矣。聞制府先奏矣。予不得已，奏
出。今聞諸員覬覦，遷缺而然。事大可疑。我悔之折骨。此
段歉懷，曾告阿將軍知之。公不信，請質我于阿將軍。公
曰：改過不吝。古大臣風也。某請案獲，再啓。公甫出而知
府已赴轅，跪白程藩司事。訊明全虛，惟以平餘充。公未
奏，擬罪。公于奏程罪前十日，先奏司庫動用平餘。歷任
官從不奏聞。臣初到，不敢蹈程某故轍，致滋重罪。仰乞

小倉山房 卷八 三
睿示 上硃批此等小事任汝爲之但當慎重倘遇別
案連及朕亦不能爲汝寬也後程奏入 上入公先言
竟得寬減程夫人每早起盥沐畢嚴粧不食不言命家
人昇至公生祠內焚香膜拜然後還家飲食笑言

乾隆四年詔丁銀攤入地畝永爲例海內便之惟山西
解州安邑五州縣不肯因此地富民無田若攤丁于地
是貧民代富民完糧也征輸者以爲然竟私用舊法七
年 上風聞命巡撫某議覆巡撫請如新例公爲冀寧
道爭之曰五州縣執貧富之說因循已久一旦改更民
必變此事宜三思巡撫忿然召河東道某趣辦河東道
心知不可而難于抵牾謾與兩司議曰事起解州牧今

嚴牒下牧足矣。牧懼卽製巨槌千長，枷百餘，驅迫呼號。安邑民揭竿起罷市，燒城門，毀公署而堵焉。報急者曰：三四至，巡撫擾急，不知所爲。命公領兵往，公笑曰：我願往，然無兵。我往有兵，我不往，巡撫問故，曰：彼蚩氓也。雖生變，尚懷狐疑。聞有大兵，則反志益決。今合山西全省兵，不過數千，與我領者不過數百。其足當五州縣人無萬數乎？請單騎獨行，而暗與我調兵符相機行事。巡撫強應曰：諾。諸司道及府州縣，餞公于郊，酒行泣下。若永訣者。然公自省城至安邑一千二百餘里，五日而至。先張示稱爾曹皆國家愛養元元，急迫生變，我來非征爾。欲平定安集之，肯自首歸誠者，赦民未曉，公意閉堡門。

不出邑。今來謁問誰爲首對。不知公曰。可以知縣而不知乎。曰。聞某已被劾。心灰且人衆無所于訪。公曰。以民變劾官。皇上必不悅。或別遣欽差訊汝。汝努力助吾。何遽不爲福。令拜謝出。獲夜行。少年訊之手。疏七十二人。喜甚。不請于公。遽往擒犯。歸半塗。追者至。鎗砲騰起。弓役傷奪。所拘七十二人入堡。公嘆曰。禍成矣。庸人悞乃公事。奈何。將具牒請兵。慮不發。乃命副將率二百人。傍堡而營。告之曰。不必戰。但得堡中情狀。卽以聞。如公言。堡內人椎牛而饗。公立名。還以狀白撫軍。請兵。兵未至。公陰念山西兵少。且弱。不可用。而安邑民可先聲奪也。乃檄取四城大砲。及他兵器。待用。又裸取鋤犁鈎盾。

揚言將毀堡。日昃巡撫羽檄下。公發之。蹙額歎曰。孽矣。殺一縣老弱。安用全省兵耶。吏胥聞之。震恐。轉相告語。公遣人以酒千罍。羊百羖。犒兵。命毋進城。駐將軍廟。聽召廟離堡三十里。夜大風。蹄踵蹂踏。烟沙障天。屠羊霍。霍兵酣飲。叫呼望者聽者。人數莫辨。堡中民股弁。公笑曰。此擒犯時也。命知縣副將戎裝大呼。堡前曰。縛七十二人獻者。兵立罷。稍遲天明。大軍至。金鼓一震。玉石焚矣。堡中人不得已。縛七十二人詣府。受遣。次日。點兵三百人而已。遠來足皸。腫手不能弓。幸無所用。歸營偃旗。未幾。天子果以巡撫爲民變。劾官儒。特命大學士訥親來鞫。駐省城。訥別訪亂民五百。檄公與副將擒訊。公

具牒稱七十二人尚多寃餘衆宜可濶畧訥愈怒文書
火急且曰黨惡聽叅公不爲動抵攔者三副將意不能
無怯來關公公無言副將曰公何無言公曰難言也以
爲可耶妨五百民命以爲不可耶妨君官職民與官孰
重君當自謀我不敢以已律君安得有言副將歎息而
去五百人聞之泣曰攤丁非託公意擒七十二人非託
公意我輩早從公言自首歸誠大家抱兒子卧矣今又
以不擒犯故累公我山西以俠烈聞若然非壯士也請
與借出五百人竟而縛出投公公不受投副將副將受
之來謁公坐積發于面公賀得大功君何不自喜副將
手指天歎曰五百人爲公來乎爲我來乎我武官也不

折一矢而旨公功其如天何乃將安邑畏威歸順之意
啓。訥。公。訥。亦。怒。解。命。且。保。釋。五。百。人。父。子。妻。女。爭。來。迎。
歸。扶。攜。歡。呶。祝。延。之。聲。數。里。不。絕。獄。具。前。七。十。二。人。者。
誅。三。人。杖。十。人。公。諱。庸。字。師。健。滿。洲。富。察。氏。

小倉山房文集卷九

錢唐袁枚子才

書魯亮儕

已未冬余謁孫文定公於保定制府坐甫定閣啓清河
道魯之裕白事余避東廂窺偉丈夫年七十許高暉大
額白鬚彪彪然日析水利數萬言心異之不能忘後二
十年魯公卒已久予莫於白下沈氏縱論至於魯坐客
葛開橋先生曰魯字亮儕奇男子也田文鏡督河南嚴
提鎮司道以下受署惟謹無游目視者魯効力麾下一
日命摘中牟李令印即攜中牟魯爲微行大布之衣卓
冠騎驢入境父老數百扶而道苦之再拜問訊曰聞有

魯公來代吾令客在開封知否魯謾曰若問云何曰吾令賢不忍其去故也又數里見儒衣冠者簇簇然謀曰好官去可惜伺魯公來盡訴之或搖手曰咄田督有令雖十魯公奚能爲且魯方取其官而代之寧肯捨已從人耶魯心敬之而無言至縣見李貌溫溫奇雅揖魯入曰印待公久矣魯拱手曰觀公狀貌被服非豪縱者且賢稱噪於士民甫下車而庫麴何耶李曰某滇南萬里外人也別母遊京師十年得中平借俸迎母母至被劾命也言未畢泣魯曰善賜甚具湯浴我徑詣別室且浴且思意不能無動良久擊盆水誓曰依凡而行者非夫也具衣冠辭李李大驚曰公何之曰之省與之印不受

強之曰。毋累公。魯擲印鏗然厲聲曰。君非知魯亮儕者。竟怒馬馳去。合邑士民焚香送之。至省先謁兩司。告之。故皆曰。汝病喪心耶。以若所爲。他督撫猶不可。况田公耶。明早詣轅。則兩司先在。名紙未投。合轅傳呼魯。令人出。公南向坐。而鐵色盛氣迎之。旁列司道下文武十餘人。覲魯曰。汝不理縣事而來何也。曰有所啓。曰印何在。曰在中牟。曰交何人。曰李令。田公執笑左右。顧曰。天下摘印者。寧有是耶。皆曰無之。兩司起立謝曰。某等教勅亡素。致有狂悖之員。請公并劾魯。付某等嚴訊。朋黨情弊。以懲餘官。魯免冠前叩首。大言曰。固也。待裕言之。裕一寒士。以求官故來河南。得官中牟。喜甚。恨不連夜排

衙視事不意入境時李令之民心如是士心如是見其人知虧帑故又如。是若明公已知其然而令裕往裕沾名譽空手歸裕之罪也。若明公未知其然而令裕往裕歸陳明請公意旨庶不負大君子愛才之心與。聖上孝治天下之意公若以爲無可哀憐則裕再往取印未遲不然公轍外官數十皆求印不得者也裕何人敢逆公意耶田公默然兩司目之退魯不謝走出至屋簷外田公變色下階呼曰來魯入跪又招曰前取所戴珊瑚冠覆魯頭嘆曰奇男子此冠宜汝戴也微汝吾幾誤劾賢員但疏去矣奈何魯曰幾日曰五日快馬不能追也魯曰公有恩裕能追之裕少時能日行三百里公果欲

追疏請賜契箭一枝以爲信公許之遂行五日而疏還
中平令竟無恙以此魯名聞天下先是亮儕父某爲廣
東提督與三藩要盟亮儕年七歲爲質子於吳吳王坐
朝亮儕黃袂衫戴貂蟬侍側年少豪甚讀書畢日與吳
王帳下健兒學麻越勾卒擲塗賭跳之法故武藝尤絕
人云

書麻城獄

麻城涂如松娶楊氏不相中歸輒不返如松賺之而未發也亡何涂母病楊又歸如松欲毆之楊亡不知所往兩家訟于官楊弟五榮疑如松殺之訪于九口塘有趙當兒者素狡獪設曰固聞之蓋戲五榮也五榮駭卽拉當兒赴縣爲証而訴如松與所狎陳文等共殺妻知縣湯應求訊無據獄不能具當兒父首其兒故無賴妄言請無隨坐湯訪陵五榮者生員楊同範虎而冠也乃請褫同範緝楊氏先是楊氏爲王祖兒養媳祖兒死與其姪馮大姦避如松毆匿大家月餘大母慮禍欲告官大懼告五榮五榮告同範同範利其色曰我生員也藏之

誰敢篡取者遂藏楊氏復壁中而訟如松如故逾年鄉民黃某墮其僮河灘淺爲犬爬敗地保請應求往驗會雨雷電以風中途還同範圍之大喜循其衣衿笑曰此物可保與五榮謀僞認楊氏賄件作李榮使報女屍李不可越二日湯往屍朽不能辨殮而置楊焉同範五榮率其黨數十人闕于場事聞總督邁柱委廣濟令高仁傑重檢高試用令也覬覦湯缺所用件作薛某又受同範金竟報女屍肋有重傷五榮等遂誣如松殺妻應求受賄刑書李獻宗舞文件作李榮妄報總督信之劾應求專委高鞫高掠如松等兩踝骨見猶無辭乃烙鐵索使器肉烟起焦灼有聲雖應求不免皆不勝其毒皆誣

服李榮死杖下。然屍故男也。無髮。無脚指骨。無血。裙袴。逼如松取呈。如松瞽亂。妄指認。抵攔。初掘一冢。得朽木。數十片。再掘。并木無有。或長髯巨靴。不知是何男子。最。後得屍足。弓鞋。官吏大喜。再視。髑髏上。鬚髮白。髮又驚。棄之。麻城無主之墓。發露者。以百數。每不得。又炙如松。如松母許氏。哀其子之求死不得也。乃剪已髮。摘去。星。星者。爲一束。李獻宗妻。刳臂。血染一袴。一裙。斧其亡兒。棺。取脚指骨。湊聚。諸色。目痊。河灘。而引役往掘。果得。獄。具。若黃州府。蔣嘉年。廉其詐。不肯轉。召他縣。件作。再檢。皆曰。男也。高仁傑。大懼。詭詳屍骨。被換。求再訊。俄而山。水暴發。并屍衝沒。不復檢。總督邁柱。竟以如松殺妻官。

吏受賤擬斬絞奏麻坡民咸知其冤道路洶洶然卒不
 得楊氏事無由明居亡何同範隣姬早起見李榮血糝
 糊奔同範家方驚疑同範婢突至曰娘子未至期違產
 非姬莫助舉兒者姬奮臂往兒頸拗胞不得下須多人
 掐腰乃下妻窘呼三姑救我楊氏闖然從壁間出見姬
 大悔欲避而面已露乃跪姬前戒勿洩同範自外入手
 十金納姬袖手搖不止姬出語其子曰天乎猶有鬼神
 吾不可以不雪此冤矣即屬其子持金訴縣縣令陳鼎
 海寧孝廉也久知此獄冤者不得聞聞即白巡撫吳應
 棻吳命白總督總督故邁柱聞之以為大愚色忿然無
 所發怒姑令拘楊氏陳陰念拘楊氏稍緩或漏洩必匿

他處且殺之滅口獄仍不具也乃僞訪同範家蓄娼而身率快手直入毀其壁果得楊氏麻城人數萬歡呼隨之至公堂召如松認妻妻不意其夫狀焦爛至此直前抱如松頸大慟曰吾累汝吾累汝堂下民皆雨泣五榮同範等叩頭乞命無一言時雍正十三年七月二十四日也吳應棻以狀奏越十日而原奏勾決之旨下邁往不得已奏案有他故請緩決楊同範揣知總督意護前乃誘楊氏具狀稱身本娼非如松妻且自伏窩娼罪邁復據情奏天子召吳邁兩人俱內用特簡戶部尚書史貽直督湖廣委兩省官會訊一切皆如陳鼎議乃復應求官誅同範五榮等

袁子曰折獄之難也三代而下民之譎觚甚矣居官者
又氣矜之隆刑何由平彼枉濫者何辜焉麻城一事與
元人宋誠夫所書工獄相同雖事久卒白而輟轉變幻
危乎艱哉慮天下之類是而竟無平反者正多也然知
其難而慎焉其于折獄也庶矣此吾所以書麻城獄之
本意也夫

書潘荆山

潘荆山諱兆吾浙孝廉也靜深有謀浙閩總督滿保辟入幕府康熙五十四年臺灣反以立朱一貴爲名朱農家子幼養鳴爲業每叱鳴鳴皆成伍路不亂行鄉人異之游民之無賴者倡爲亂擁一貴據南路殺守備及官兵二百總兵歐陽凱副將許雲討賊戰死臺灣陷事聞省城大震時漏下二鼓滿公不知所爲登荆山床爲訣哭聲烏烏荆山披衣起笑曰公止哭賊卽平矣臺灣賊皆烏合何能爲第兵機貴速須盡此夜了之公曰如何曰公持印荆山持筆兩侍兒供紙墨羣奴張燈聽遣足矣如其言書一牒下中軍曰發兩標兵各千五鼓集轅

旌旗器械戰船缺者斬一牒下司道曰運糧若干集夏門聽取誤者軍法從事一牒下府縣曰明早部院出兵送者斬各吏民安堵毋動荆山每書牒筆颯颯如風雨畢一紙請公加印印畢卽發未三鼓而部署定荆山復解衣卧哈臺大射黎明拔營行兩日至廈門時承平日久兵不善楊葉公憂之荆山下令傳呼曰凡海賈船能捐貨載兵者與五品官有一賈奮前卽褫守備蟒服與之繼來者分給牌劄豹牙繡補衆賈大喜爭自掉船船銜尾布列兵依隊而上不敢譁甲光耀日五日抵鹿耳門賊大怖以爲神兵從天而下駭散無鬪者互相攻殺守紅毛城僅十六人誅之進勦竹箐城禽朱一貴檻車

送京師兵不血刃糧不支給凡七日而臺灣平滿公欲
奏荆山功荆山辭曰某性嫻非能吏事者也賊平仗
國家威靈不可貪天功襲人爵請事公終其身滿公卒
潘復佐浙督李公衛以名聞

李敏達公逸事

康熙末各省錢糧多虧

世宗詔清查天下震懾公總督浙江聞之詣內幕問策皆瞠不語公曰不請朝臣來天子弗信朝臣至而督撫無權事敗矣宜速繕一疏極言浙省廢弛久誠得內大臣督治甚善但內臣初至未得要領臣身任地方需臣協理事裁辦疏成馳奏卽詐稱生日開筵受賀浙中七十二州縣無不屬至者公張燈陳百戲止而觴之召諸州縣至密室語曰清查使者至矣汝庫虧絲毫勿欺我我能救汝否者發露被誅勿我怨皆泣謝曰如公教歸皆核冊密呈其無虧者具狀上亡何奏下許公協理

清查大臣戶部尚書彭維新實來先至江南江南督撫
不敢闌語一聽彭所爲彭天資險鑿鈎考煩密民吏不
堪州縣擬流斬監追者無算畢到浙氣驕甚公迎見卽
持硃批示之曰朝廷許衛與聞公勿如江南辦也彭
氣沮稍稍禮下於公公置酒宴彭半巡執杯嘆曰凡共
事者未有不爭者也某性蠶好與人角屨蒙 上誨今
誓與公無爭而後可但不知如何而後可以無爭彭曰
分縣而辦何如公曰善呼侍者書州縣名若干揉小紙
如豆揉盤盛與彭起分拈之暗有徽記彭不知也其虧
者歸公其無所虧者歸彭彭刻苦率較手握算至胼起
卒無所得而公密將贓罰開款鹽課贏餘私攤抵矣故

使人問曰有虧否何如彭曰無之彭問公公陽爲喜出
意外者而應曰亦無有也遂兩人同奏浙省無虧一世
宗大悅語人曰他人聞清查多憂愁獨李衛敢張燈宴
彼教督有素自信故也晉秩太子太保賞賜無算各官
俱加一級江南之人望如天上河東總督田文鏡柄用
時忌公暗劾公上不爲動田懼轉來結納伺公居太
夫人喪遣人以厚賄弔公罵曰吾母雖餒不飲小人一
勺水也麾使者于大門之外而投其名紙于澗中然性
極服善一日坐堂上命吏胥田芳作奏請封五代田不
可曰封典止三代無五代芳不能作此奏固命之對如
前公大怒罵曰畜產例自我創何干汝而逆我田遽起

立勃然曰公大悞公怙。天子一時寵忘王章芳故曉。公公當謝芳乃辱及其親何也。且公爲人子孫封三代。而猶未足芳亦人子孫未封一代。而公以畜產寵秩之。何用心逆人道耶。芳殊不服。芳殊不服。公素負氣。怒公堂爲吏所折。窘不知所爲。強復怒曰。便是我悞汝不服。奈何曰。公大人也。芳小吏也。豈特公詈芳。芳無如公何。卽公杖死芳。芳亦無如公何。所可惜者。大人之威能申于小吏。而小吏之理。殊直于大人耳。言畢。竟走出。公默然。顧左右。亂以他語而罷。是晚召芳。芳疑公蓄怒。將陰禍之。入色如土。公捫其手笑曰。汝有膽識。而辱爲吏。可憐。吾貸汝千二百金。納縣丞。他日事上官。亦以直道行。

之田泣謝得富平縣丞遷鳳翔令以賢聞

傅卓園者名魁公標下卒也少無賴以材武入勇健營
涿州大盜李自洪力敵千人匿大邵村牛四家公命卓
園往擒卓園請標下李昌明及韓景琦俱公笑曰汝往
能擒此賊昌明往非昌明殺賊則賊殺昌明韓景琦往
必悞乃公事不信如汝意試之卓園夜至牛村自洪方
謀劫冉貢生家未發卓園被門入昌明舞雙鎚先登賊
暗中斫之傷大呼仆地卓園繼進門小器無所施棄其
戟手招賊陰而曳之小腸出矣賊抱卓園刃其背萬千
幸裹甲不死然骨入者寸許卓園繞賊腸于臂至三匝
賊猶能運刀韓景琦急來助昏黑不辨捧傅足以爲賊

也。而縛焉。傅自念受兩人敵。必敗。不得已。逆而跋之。繩三重。皆斷。韓仆出數步。外天漸明。三人共縛盜。獻之。轅公大笑曰。吾所料何如盜。且死。願行刑者曰。吾爲盜三十餘年。殺人如艸。官兵屢捕無敢格鬪。今擒我者壯士也。願一見而死。或指卓園盜。運目久之。嘆曰。我久當死死于足下。值矣。我所遺寶刀。知足下來。哀鳴三日。宜贈子。佩之。我死不悔。爲盜。悔不知天下之尚有人也。

鄂文端公逸事

張廣泗之征丹江也來辭公牘記軍事數條將請公處分公解諸燕寢竟日筦絃鏗鏘口不及軍事張不得已請問公問何爲曰軍事公正色曰吾以汝爲能辦賊者故用汝不料汝非將才也用兵之道變化無方故曰闕外將軍主之其隨時制勝豈我與汝今日所能預定耶惟兵少或糧不足者當問總督而我部署久定故權而飲汝汝尚何言諸將聞之皆心折駭伏初廣泗知思州府說公取古州八萬云其地廣千餘里在黔粵之交分兩省觀則在外合兩省觀則在內廣泗乞到黎平探知形勢可以奏功公卽調廣泗知黎平黎平諸葛營者古

州形勝處也後倚大山西接懷遠中有五丈臺登之見
大小丹江苗俗傳孔明登後無人登登輒頭痛廣泗到
卽輕騎登臺苗望見廣泗指揮臺上驚將圖已卽聚衆
張礮下坡處廣泗心動不肯下宿于臺次日五鼓大霧
從山背銜枚下苗驚以爲神歸盡得其出入要領啓公
招降都洛兩江苗而征丹江九股苗世宗慮廣泗新
進好事命內臣牧可登春山至軍營叅謀至丹江已平
世宗大悅授廣泗貴州巡撫召公入都公薦廣泗爲
巴里坤副大將軍征阿拉蒲坦先是太兵屯巴里坤山
北人馬多凍死廣泗往請于大將軍查郎阿曰賊不畏
冬以能移家故也賊能往我亦能往盡學賊移家法覓

向陽有水草處立營。查不信廣泗率所領兵如寇法。其
年兵無死者。馬廐肥如初。敗賊于木壘城。殺無算。生禽
六百人。世宗大悅。命總督湖廣會古州苗反。燭連楚
粵諸孽。陷思州清平。世宗切責公。命刑部尚書張照
都統德希壽督師貴州。照等奏改流非策。世宗愈怒。
廣泗奏善後失宜。皆臣之罪。願革職效力軍前。會
上登極。加廣泗七省經畧銜。督兵貴州。羣苗呼曰。上諸
葛營老子又來矣。慎勿與戰。望旗幟輒走。廣泗奏張照
等所以無功者。分守兵戰。兵爲二故也。黔兵本少。而又
分之。何以辦賊。請調全省兵齊集鎮遠。以通雲貴往來
之路。上許之。廣泗率三萬兵。張強弩追苗至凱里香。

山山有牛皮箐當四山之凹深數百丈濶三里苗避弩
爭走箐下廣泗據山築長圍四面環之苗無所得食相
枕籍餓死者四十餘萬人三省徭徠爲之一空嗣後古
州雞尾擺處俱改衛設屯而羣苗亦不復反矣哈元生
者河間人也高鼻長髯以守備從公征苗每戰輒陷陣
擢安籠鎮總兵烏蒙之役賊數萬營官防海子張旗鼓
噪元生率兵四千討之賊有名黑寡者號萬人敵每大
呼鷹爲退飛戰日持長槍直犯元生元生以左手格槍
右手拔箭射之槍應手斷而黑寡業已受箭落馬一目
出矣元生斬首揭竿上羣賊奔氣退走追至得勝坡別
寨苗起應之聚衆鳳凰山元生知衆寡不敵乃密令叅

將康世顯等夜率士兵暗繞賊營分左右隊伏山下約
曰聽號礮起次日黎明元生率兵挑賊賊盡出官兵不
動待賊將近忽礮發聲元生舞雙刀衝陣山後奇兵突
至賊敗走追之盡俘其衆元生手擲一賊于空中高數
丈以刀揮之作數段墜羣賊大駭以爲神勇嗣後望見
安籠鎮旗纛卽逃無敢格鬪者世宗召見賜宴以元
生回部人不漢食命光祿寺別具特羊之餐二人者至
公家皆供掃除之役若隸子弟然

釋事二則

尹文端公母徐氏江寧人爲相國小妻相國家法嚴文
端總督兩江夫人猶青衣侍屏隱文端調雲貴入覲
世宗從容問汝母受封乎公叩頭免冠將有所奏世
宗曰止朕知汝意汝庶生也嫡母封生母未封朕卽有
旨公拜謝出相國怒曰汝欲尊所生未啓我而遽奏
上乃以主眷庶翁耶擊以杖墮孔雀翎徐夫人爲跪
請乃已世宗聞之翌日命內監宮娥各四人捧翟車
鞞衣至相國第扶夫人榻上代爲櫛沐衽服襪飾花釵
爛然八旗命婦皆嚴粧來聞夫人而賀者相環也頃之
滿漢內閣學士捧藥書高呼入曰有詔相國與夫

人跪乃宣讀曰大學士尹泰非藉其子繼善之賢不得入相非側室徐氏繼善何由生著勅封徐氏爲一品夫人尹泰先肅謝夫人再如詔行禮宣畢四宮娥擁夫人南而坐四內監引相國拜夫人夫人驚蹶欲起四宮娥強按之不得動既乃重行夫婦合巹結褵之儀內府梨園亦至管絃鏗鏘肴烝紛羅諸命婦各起持觴爲相國夫人壽酒罷大懼笑去後三十年文端側室張夫人受封文端謝恩奏及之上曰朕實不知先帝有此事乃竟暗合豈非卿家運耶公繼室鄂夫人鄂文端公猶女也兩文端相見鄂老矣嘆曰吾日夜思抽身退未知能否夫人曰女聞古之君子事君能致其身又

曰明哲保身未聞有抽身者兩文端爲之莞然

田文鏡總督河東以不喜科目聞王士俊幸祥符謁田
田問出身王眉蹙口澁若爲萬不得已者而對曰士俊
不肖某科翰林也田以爲測已愈惡之每見噴噦吹毛
索癢王憂邁不食幕府客裴香山高士也被酒大言曰
制軍有意相督過將早晚劾公公去無名可惜不如擇
一有名事去問何事曰今新增河南鹽地稅民不能堪
公以狀啓用田必據此劾公公雖去公名傳矣苟若裴
屨授印低頭出衙乎王深然之繕稿數千言通牒大府
布政使楊文乾心嫌田所爲而屈于勢不能言忽得王
牒驚曰此何時尚有奇男子耶呼僮焚香供牒再拜遲

送醫者韓生序

仁無術而不行。堯舜之政。周孔之教。神農之藥。皆術也。皆所以行其仁也。使堯舜周孔神農。雖仁其民如嬰兒。而無術以及之。其奚能爲。雖然。後之人爲政教醫藥。其厲民加倍焉。豈古人之術不仁歟。曰。仁者見之謂之仁也。見何在。志是已。孔子稱志于道。孟子稱尚志。又曰。夫志氣之帥也。志之所在。不特慧力與俱。而精誠之至。天亦相之。今之爲政教醫藥者。推其志果可以見。周公孔子神農乎。然則其術之不工也。乃其志之不仁也。韓君宗海。挾醫術來白門。白門之人。或疔瘍。或宿瘤。或隘疾。而腰急。或創未合。而陷焉。以深。或申旦呼。暴嗷嗷然。目

不得一眎君治之脫手愈用是名稱噪于時韓君大言
曰得諸公手譽不如得隨園一序故人蔣用菴爲通其
意甚婉余以初測交故筆染復休者屢矣亡何相遇于
用菴處極道所遲遲序君意君又大言曰吾索序非欲
繩我美也顧吾懷欽欽在抱無有能宣究之者吾始任
戴冠卽通儒兼通鑄凝家言以爲均不足以仁吾氓故
溺苦于醫品庶每生計此志也非公聲之于文則誰
了我于冥冥者嗟乎君之志如是君之術可知且夫古
之醫者皆刀錐鍼砭擗引毒熨之爲非徒恃湯液也故
藥瞑眩而效亦易微今轉科而別之內治爲優外治爲
絀是何異爲政教者抱黃圖赤縣爲兢兢而遺視九寶

八。咳。耶。君。之。術。能。治。內。而。專。以。治。外。名。是。則。君。之。所。以。
取。效。致。功。卽。其。所。以。探。本。扼。要。也。余。悲。夫。世。之。人。知。君。
術。之。工。而。不。知。其。所。以。工。故。序。君。說。以。送。君。而。兼。以。勗。
世。之。行。仁。者。擇。術。者。立。志。者。

重修江寧縣志序

志。江。寧。難。於。治。江。寧。治。之。者。行。其。當。然。之。事。志。之。者。紀。其。已。然。之。跡。當。然。者。以。意。爲。已。然。者。不。可。以。意。爲。然。非。志。之。詳。則。治。之。亦。必。不。備。其。道。又。若。相。須。者。然。周。官。誦。訓。掌。道。方。志。以。詔。觀。事。以。知。地。俗。蓋。自。古。稱。焉。江。寧。古。帝。王。都。頽。垣。片。瓦。中。具。史。書。數。百。萬。言。而。上。元。一。邑。又。至。唐。而。分。將。獨。自。爲。書。其。能。無。彞。以。糅。乎。其。能。盡。萬。物。之。理。而。不。失。其。度。乎。其。能。廉。而。辨。若。此。疎。乎。其。能。書。出。而。人。齊。其。口。不。相。訾。謗。乎。江。文。通。云。作。史。莫。難。于。志。余。故。知。難。而。退。者。屢。矣。鄉。之。先。生。進。而。言。曰。邑。志。不。修。垂。九。十。年。此。其。間。之。經。入。咳。數。風。化。芳。臭。明。府。忍。聽。其。變。

革壇替而愬然置之乎明府于一切簿領能挈其最凡
所分殊事其于志江寧也奚獨不然邦之人願供東庭
延名宿以先焉余曰唯唯因衆人之資藉秉筆者之才
借山川都會之勝以成余之名又得時時覽其風土人
事以考其政治之得失此梓人之不斲而書名者也何
其幸也開局後成卷帙若干歲周乃付於梓嗚呼余舊
史官也三年侍金馬門不能濡半管墨酬主知而今
擁吏卒學牛馬走乃得爲一邑成完書不可謂非遭逢
之盛然而其治江寧者殊難自信則志江寧者益可知
也或千百世後覽是志而善之而轉疑今日之治江寧
者之無甚過差則是諸君子之助而非余之功卽書其

意。以。弁。羣。言。之。首。

送華山相公入閣序

置一人爲九卿六曹之官其不可不可得而知也置一相于九卿六曹之上而不可天下之兒童走卒已知之矣是何也百官論才宰相論望才可表見于臨時望必積累于平日此三公之位之所以難也雖然養望難副望尤難今夫雲人皆知其能爲霖也然不過起于山中覆于一方則望之者欲亦易饜若夫蓬蓬然起于泰華之阿彌漫于九天之表則望之者咸引領于無窮倘沛然作雨而亦區區霖霖已焉則又安貴夫垂天之雲哉校弱冠遊京師聞論相者輒曰尹公尹公今枚年五十公才入閣然則公之望久矣望如公而何待于枚

言亦惟望如公而枚。又安得無言。從來儒生之見往往與在位者相憊而馳。非在位者之過也。一旁觀一當局旁觀者好以太古迂遠之言靡切左右而勿度今所能行者。陳之則不如其黷而已也。夫大臣之道豈一定哉。周公教成王。所其無逸而召公則教之以伴。與優游。宋璟諫明皇。切諫東都而姚崇則勸以東巡。無害卒之召公大聖也。姚崇大賢也。其若是何哉。要在誘君心于當道而于已不失其正而已矣。唐陽城一諫官耳。尚不肯爭細事。以累名宰相。非諫官比也。將朝夕坐論與社稷同休戚者也。行而世爲天下法。則行焉。言而世爲天下則則言焉。或時之求可勢之求宜。則所貴乎積誠悟主。

伺間責難而不在乎改一成法增一科條也天下人信公之深愛公之切必揣摩而相告曰以公入相而未有所聞于人間也其必嘉謨入告而不使外人知耶抑必重其身以有待而將大有造于將來耶如是十年天下之望公者未有既也則公之望雖未副也而卒無損也所慮者矜報恩之迹急任事之名於其遠者大者或不致探懷以取則旁引襍出而轉多瑣屑紛更之爲使天下望此而得彼望大而得小而天子亦知其底蘊之已窮他日有言必厭而輕之矣平素之望豈不危乎以公之明必不出此而枚所以譏諷者恐公虛懷太甚竟忘其負荷之重若此而亦等于尋常作相者之所爲又

恐公一事一言必先立身于無過之地而周旋曲折轉
足以招人之疑不知過也者愈避之而愈至者也古大
臣但知有國不知有身不知有身何知有過甚至機失
謀乖猶戀戀而不能已而况躬逢一德明良之盛也哉
枚見天下之人望公已甚而枚之望公又更甚于天下
之人故于公之入閣也陳所慮以規公亦書所見以贊
公

送陸明府入都序

余不宰江寧久矣。後之宰是者，皆才出余上，皆交好而心之所尤折者，爲蘭邨陸君。君喜余古文，常曰：他日得子文序，我可乎？余雅欲序君，而苦於不得當以報。乃諾而俟焉。今年十月，君以捕亡事受天子知，將召對，有高爵之遷。茲事非君所甚矜喜，而忽大恩，歷已轉項項不快。邗之人亦若有郵然者。余爲序而釋之，曰：羿之彎弓也，惟巴蛇九日始足盡其殼耳。乃偶中燕雀而名因之，大彰羿之心，非所冀也。然天下事固有感在此而應在彼者，豈獨射然乎？或智人也，而以愚獲愆；或愚人也，而以猛立功。徒觀其迹，未有不適適然疑者。不知不

轉而錯綜之。不足以彰造物報施之巧。君善讞。決大府。有疑難事。必委君決。君所至皆仁。自持或罪。至虔劉而一旦釋寧其家者。纍纍然此皆宜受。天子知者。也亦天子知之。必嘉予者也。顧名不上聞。雖堯舜無由知。而平素闇然之勤勞。天必欲光明之。爲循吏。勸則不得不借一二事以達九乾。而垂清問。且以見。聖天子留心人才。小善不遺。至於如此。凡爲臣子。而不以積誠勤事。求知妄挾他途。干進者。皆惑也。且夫學之與仕。有二理乎。曰無有也。書稱學古入官。議事以制。是也。生之與殺。有二理乎。曰無有也。孔子稱惟仁人能好人。能惡人。是也。陸君口不離先王之言。遺此其容。常爲文俗吏所擲。

掄。一。旦。歷。書。徵。召。儒。者。榮。之。然。其。爲。政。暖。暖。姝。姝。一。以。生。人。爲。事。者。也。乃。偏。以。戮。人。見。知。君。之。才。雖。顯。而。君。之。心。將。隱。矣。子。竊。托。於。君。子。表。微。之。義。書。其。故。曉。邦。之。人。而。因。以。愬。君。之。行。焉。

西阪草堂圖詩序

慶生日古無有也。慶生日而歌咏其所居之堂，以爲慶古尤無有也。雖然周雅曰：秩秩斯干，悠悠南山。晉獻文子成室，晉大夫發焉。張老爲之善頌而善禱焉。是皆就其所居以爲壽意也。宣州張先生芸堅當不親學之年，其戚里勿介爵，勿祝釐，并不爲揚詡而第爲所居之草堂徵詩。蓋雖舉俗之文而亦猶行夫古之道也。先生家有貞介堂爲前，明司李公遺迹。先生宦遊歸，蓋宅城西，薺茅爲室，顏曰西阪。居而樂之，聞之先民曰：相馬以與相士以居，居也者，君子之所不苟也。衛公子荆善居室，庾詵十畝之宅，山池居半，皆以居傳者也。然混元遺物

流而不處。曾幾何時。東閣變爲馬廐者多矣。而士大夫一解巾褐。又往往招之不歸。以致田園就蕪。雖先人之舊廬。亦或鞠爲茂草。未見有培基沃本如先生之纏綿者。先生甫中年卽伏而不出。肆心廣意鉛槧于斯。若忘其爲司馬官南越者。然無他。爲草堂作主人故也。予雖不獲登堂。猶憶甲戌歲與先生同遊攝山。討論竹素。窮極要眇。意欲相引。爲曹聲名流千萬歲。今忽忽十五年。堂中之著書若干尺。可想而知也。他日堂之因先生傳決也。然而善適卽所以致遠。獲後方可以承先。張氏舊族得先生。先生嗣君得慕青太史。肯堂者未已。肯構者又來。較元亨之有童鳥。禮堂之有小同。尤爲光耀。然則

以他事壽先生先生勿樂也以茲堂壽先生先生樂也
雖欲不歌咏也得乎于是堂之景董尚書圖之堂之顛
末先生記之咏茲堂之詩文小子序之

聞茗厓竹洲詩鈔序

前年冬楊君洪序來山中授一編曰此吾師茗厓先生詩也公爲序將刊焉楊固不知讀先生科舉文者枚也先生姓聞名元晟鶴李人雍正進士當枚讀先生文時年十二隔三十三年而又重讀其詩驚且喜以爲有文字緣者莫先生若也楊君授詩後占卦得訟終訟且遠行類其家聲不暇爲開雕事而枚亦無能有所匡定詩久不歸轉得時時雜誦清微駘宕想見其爲人高士也年齒過差雖私淑卒不得一見然就詩迹其生平蓋嘗入長安遊淮海官雁門登高懷古思鄉感舊未嘗不潛心深思自信其詩之可傳也老且死竟不能付梓而存

之。于。家。家。貧。子。孫。又。不。能。付。梓。以。授。楊。君。君。故。豪。士。甫。
欲。婆。娑。相。料。理。旋。爲。禍。敗。此。如。孔。安。國。之。古。文。尚。書。將。
獻。而。以。巫。蠱。事。阻。也。雖。精。神。至。者。天。不。能。敵。而。遲。之。又。
久。鴻。寶。不。宜。當。時。學。文。之。童。子。亦。將。如。先。生。老。矣。悲。夫。

高文良公味和堂詩序

詩。始。于。臯。夔。繼。以。周。召。而。大。暢。于。尹。吉。甫。魯。奚。斯。諸。人。
此。數。人。者。皆。詩。之。至。工。者。也。然。而。皆。顯。者。也。自。君。子。道。
消。乃。有。考。樂。衡。門。諸。作。毋。乃。窮。而。後。工。之。說。其。亦。衰。世。
之。言。乎。本。朝。文。思。天。子。相。繼。代。興。厥。有。新。城。尚。書。首。
唱。唐。音。爲。國。初。冠。天。下。翕。然。宗。之。此。亦。顯。者。爲。詩。之。
效。也。然。論。者。猶。訾。其。事。藻。節。少。性。情。則。聲。聞。雖。隆。亦。尚。
有。未。鑿。于。人。心。者。夫。人。臣。之。不。可。不。臯。夔。也。猶。詩。之。不。
可。不。唐。音。也。學。臯。夔。者。衣。以。其。衣。冠。以。其。冠。襲。擊。而。拜。
颺。焉。其。臯。夔。乎。學。唐。音。者。習。其。趨。慢。聲。其。句。讀。終。日。筮。
絃。鏗。鏘。其。唐。音。乎。善。學。臯。夔。者。莫。如。周。召。然。其。詩。無。喜。

起明良一字也。善學周召者莫如吉甫矣。斯然其詩無卷阿東山一字也。後世王朗學華子魚學之愈肖而離之愈遠。此其故可深長思矣。明七子學唐用宮調而專摩初盛故多疵焉。新城學唐兼角羽而旁及中晚故少疵焉。然皆莊子所謂循迹者也。非能生迹者也。居我朝顯位而以詩聖者其惟大司農高文良公乎。所爲味和堂集思沉采鮮聲與律應。謂之唐不可不謂之唐。又不可其真能潤色休明軼新城而上者矣。然而公詩之工未有所聞于人間者。則因公之高爵盛業有以掩之也。夫士君子每苦無名位以昌其詩。而若公之巍巍者又轉以彼累此。此子之所以嘆也。然就大以見小。卽本

以該末而公詩之所以工者彌可知矣公從子慧將直
鑄公集余從史成之非徒闡祖德表幽光也將以彰我
朝賡歌之隆不在唐虞下而兼使世之論詩者有所矜
式以無事區區摹揣則公之功固亟亟宜表而慧此舉
又豈宜得已耶

所知集序

梁昭明不錄何遜之文爲其生存也唐裴潏反之則又非交好者不錄是二者皆有所偏焉夫錄之者傳之也其文之可傳與否非夫人之存亡係之也孟子曰有見而知之有聞而知之道統如是詩文奚獨不然陳子直方選道人詩三集顏曰所知蓋及其身之所見者半所聞者半也夫詩無涯而知有涯四海大矣人才衆矣孰邱里之耳目而繼天下而自以爲足焉不已俛乎陳子之名是集也若曰就吾所得者而存焉是亦舉爾所知之義云爾然則宋爲陳子所知而漏是集者可無憾矣天下知詩者有涯而不知詩者無涯宋以後詩話日繁

門戶日多張一論者多樹一敵若再益學而談體例不
又慎乎陳子之名是集也若曰就吾所愛者而存焉是
亦知之爲知之之義云爾然則陳子于其所不知本置
之闕如之例而世之未入是集者又可無憾矣茲集之
傳也其庶乎雖然直方之齒未也他日遊益廣學益深
其所知者寧就是而竟耶漢杜季雅之言曰知而復知
是謂重知吾願直方之重之也

陶氏宗譜序 代振聲作

將收族而忘其祖可乎曰不可本之不存枝將焉附將尊祖而遍收其族可乎曰不可流之太紛源將反混然則尊祖何始曰以始遷某郡者爲始收族何始曰以始遷某郡祖之子孫爲始此陶氏族譜所由立也陶氏系出潯陽淵明後譜牒難考明初蠶哥公死王事以校尉贈都督世襲正千戶其孫靖侯改官蘇州遂家焉吳之有陶氏也自靖侯公始也傳十二世爲振聲祖文英公將傲范氏立義莊權輿未就先君子承厥考心而侈大之捐田千金二千建祠因果巷祀靖侯公凡其所自出者歲食其田之租吳中陶氏之有義莊也自先君子始

也。振聲謹按大傳曰別子爲祖繼別爲宗康成註云別子諸侯之次子其始遷他國者是然則靖侯公始遷於吳爲陶氏居吳者之始祖禮也第周道親親而中庸則曰親親之殺以爲不殺其踈遠者則親親之道必泛濫無統而所應親者反不得與然則欲收族莫如立義莊欲立義莊莫如修宗譜修之若何曰考始祖以前出者書之譜見本幹所自來考始祖以後出者書之譜見推恩所自起自蠡哥公至振聲凡十四世此本幹所自來也自靖侯公至振聲凡十二世此推恩所自起也明乎此二義而拜祠者既無踈遠隔絕之嫌資財者亦無屑感親親之弊此宗法也亦先人志也

張曰恒遺稿序

海。內。抱。一。束。文。屨。及。於。吾。廬。而。修。士。相。見。禮。者。十。有。十。
百。有。百。吾。未。嘗。無。見。焉。見。後。或。繼。或。疎。或。久。或。不。久。雖。
彼。此。互。有。契。合。處。而。要。之。以。文。爲。費。以。見。爲。歡。真。州。諸。
生。張。曰。恒。寄。五。律。若。干。來。清。而。婉。澁。爲。王。孟。者。也。余。壹。
不。知。夫。今。之。爲。詩。者。動。學。蘇。端。明。致。率。爾。操。觚。嘉。生。之。
獨。異。于。族。凡。方。寄。聲。促。其。來。而。執。訊。者。曰。生。死。矣。生。年。
甚。少。真。州。至。白。門。甚。近。此。屨。及。吾。廬。之。可。以。暮。期。者。也。
乃。卒。不。得。一。抗。手。豈。蒼。蒼。者。以。爲。詩。重。而。人。輕。見。其。詩。
可。以。不。必。見。其。人。歟。抑。或。其。人。之。賢。更。倍。于。詩。故。靳。惜。
取。去。而。不。許。余。之。再。見。之。也。吾。聞。造。物。之。奇。有。所。甚。秘。

月之華也麒麟之生也無人見之則存見之而不識猶
存有人焉見之識之叫呼而播揚之則散且逝生之不
至或懼余之見之識之叫呼而播揚之耶然而詩者心
之聲也生詩來矣身雖不至而其心固已至矣而余拳
拳願見生之心則卒不能穿九原而一達于生是生可
以無憾于余而余不能無憾于生也嗚呼

送許侯入都詩序

許侯從上元令遷水部其邑人爭歌詩寵侯之行余故
同城僚也先侯歸一年乃觴侯而弁以言曰情之見于
去時者道之存于平日也道何在行乎已者是情何在
存乎人者是今天吏南面而臨惜乎毀譽傲乎友朋臨
去見有父老指旌旗者見有故人嘆道左者雖酷吏怪
物莫不有動于中而深遺愛之羨然則使人人能持其
去官時之心爲在官時之心不亦善乎中庸曰不獲乎
上民不可得而治又曰不信乎友不獲乎上同城官之
獲上也如兩婦事姑殊難得調一切謁朔望集轅轅供
頓遞儲侍戒其僕弗相聞知其信友如是其治民可知

侯來聞前說而鄙之坦然同懷期于大和事其事兩邑
如一邑民以爲便余之歸也侯如失左右手至是侯亦
去造物者若以爲二人同其道宜同其去損一人以孤
君子其不可也先是尹太保總制江南政持大體民吏
雞犬多靜且安羣僚久於其位學射賦詩侯與余如家
人往來飲酒樂必嘆曰同官之盛其難再哉忽忽四五
年乾隆戊辰冬余引疾去後十日太保奉命入陝再
五日陳別駕遷揚州其明年正月王檢校老病死二月
太守蔡改知廬州三月吏部徵侯入長安邦人之觀於
道者皆曰新官某新官某石頭城中目不一瞬業已若
是然則嗣後之改更又將何極此侯之所以臨去而悲

也。余之所以送侯之去而愈悲也。

陶西圃詩序

西圃歿後四年其第三子時行乞序其詩余讀之不覺涕之泫然也余齊年進士三百寡所親狎惟西圃與余同入翰林同作令同乞歸同居江南又同好吟詩以故冬之日夏之夜常宿余家唱喁無算余生平乘人鬪捷之作輒不存而西圃泥余過當雖一短句一調語必書之集中余不特不省記亦不知也今甫開卷而三十年來之酒痕燈光酣顏高歌歷歷然如影尚存令人於邑不已然後嘆友朋之不可無而西圃之爲我勤者乃如是其至也當西圃入都時予餽以一姬事出偶然非爲西圃身後計也今時行年十七卽此姬所生然則余雖

不能爲西園昌其詩而他日時行之能讀父書恢宏其
聲光未嘗非余之助又一奇也西園貌不踰下中蹢蹢
廉謹乃其詩獨倜儻若不稱其爲人者然孔子曰情欲
信詞欲巧梁簡文云人品貴謹嚴文章須放蕩不愧斯
言者其西園乎獨是西園有三子其長者已生孫已入
學而此時之苦抱父書者轉在幾筵未成立之一弱息
其畢生精力傳不傳亦可危矣而予兩焉班然并此無
有乃猶復乙乙拙思謔吟不輟若竟不知人生之有死
者抑又何也

虞東先生文集序

文章始于六經而范史以說經者入儒林不入文苑似強爲區分然後世史家俱仍之而不變則亦有所不得已也大抵文人恃其逸氣不喜說經而其說經者又曰吾以明道云爾文則吾何屑焉自是而文與道離矣不知六經以道傳實以文傳易稱修詞詩稱詞賦論語稱爲命至于討論修飾而猶未已足豈聖人之溺于詞章哉蓋以爲無形者道也形于言謂之文旣已謂之文矣必使天下人矜尚悅釋而道始大明若言之不工使人聽而思卧則文不足以明道而適足以蔽道故文人而不說經可也說經而不能爲文不可也雖然藝之精者

不兩能鄭馬無文章崔蔡無經解似亦非天所能強吾友虞東先生獨不然先生爲海內經師著詩解若干三禮劄記若干余初疑先生之未必屑爲文也乃記序論議駢體歌行靡不典麗可誦方知先生不以說經自畫者然猶不敢自是凡予心所謂危者缺撻一二必削而投之亦非先生之謬爲慊慊也蓋實見夫修詞之道非止于至善不可麗澤之義非朋友講習不可觀先生之深于文也愈嘆先生之深于經也予與先生雖齊年孝廉以官轍故中道乖分年來設教鍾山得時時遇從子有所疑必就先生請業而先生亦來其全稿而謀焉白髮二叟如初下帷作諸生時致足樂也惜予于經學少

信。多。疑。而。才。又。短。拙。治。詞。章。元。元。窮。年。尚。無。涯。涘。勢。不。能。執。一。經。從。先。生。而。後。而。坐。見。先。生。之。取。兩。者。而。兼。之。也。相。逼。已。甚。何。太。不。廉。耶。豈。文。苑。儒。林。從。范。氏。而。分。者。又。將。從。先。生。而。合。耶。昌。黎。答。殷。侍。御。云。竊。欲。挂。名。經。端。自。托。不。腐。子。于。序。先。生。亦。云。

贈黃生序

唐以詞賦取士而昌黎下筆大慚夫詞賦猶慚其不如詞賦者可知也然昌黎卒以成進士其視夫薄是科而不爲者異矣今之人有薄是科而不爲者黃生也或且曰笑之曰四書文取士士頗多賢其流未可卒非吾代黃生對曰昔管仲遇盜得二人焉盜可以得人而上不必懸盜以爲的也論者語塞吾不敢謂薦辟策試之足以盡天下士也亦不敢謂爲古文者之足以明聖道也然訪某某者必詢其隣人爲其居之稍近也漢唐之取士也與古近其士之所爲古文也與聖道近近斯得之矣宋以後制藝道與古文道衰士旣非此不進往往靡

歲月耗神明以精其能而售乎時。出身後重欲云云。則
虛晞服臆忽忽老矣。子喜生年甚少。意甚銳。不徇于今
其於古可仰而慕也。又虞其家之貧。有以累其能也。爲
羞其晨昏而以書庫託焉。成生志也。旣又告之曰。天下
有不爲而賢于其爲之者。有爲之而不如其不爲者。無
他。成與不成而已。不爲而成。其可爲者自在也。爲之
而不成。人將疑其本不可爲而爲者絕矣。今天下不爲
古文于爲之安。知其不爲者之不合笑以待也。苟爲不
熟。不如莫狎生。自揣不能一語。此言且不宜爲古文。吾
輩于生者厚。故反吾言以勗之。

史學例議序

古。有。史。而。無。經。尚。書。春。秋。今。之。經。昔。之。史。也。詩。易。者。先。王。所。存。之。言。禮。樂。者。先。王。所。存。之。法。其。策。皆。史。官。掌。之。漢。以。來。作。者。二。十。一。家。互。有。得。失。非。合。叅。分。校。則。瑕。瑜。不。明。南。耕。先。生。爲。例。議。十。六。質。確。其。過。其。旨。遠。其。辨。正。此。其。志。與。夫。爲。史。通。以。矜。文。士。之。藻。者。異。也。其。言。綱。目。非。朱。子。所。作。尤。信。夫。綱。目。繼。春。秋。者。也。春。秋。繼。尚。書。者。也。尚。書。無。褒。貶。直。書。其。事。而。義。自。見。春。秋。本。魯。史。之。名。未。有。孔。子。先。有。春。秋。孔。子。述。而。不。作。故。夏。五。郭。公。悉。仍。其。舊。寧。肯。如。舞。文。吏。以。一。二。字。爲。抑。揚。而。真。以。素。王。自。居。耶。朱。子。惡。王。通。作。元。經。擬。春。秋。必。不。自。蹈。其。非。弟。子。

假託亦猶仲舒何休各附會其師說而已夫史者衡也。鑑也。狹曲蒙匡也。國家人物政事則受衡受鑑而盛載。於蒙匡者也。爲之例爲之議。然後衡平鑑明而匡篋亦無舛。年之虞然先生老矣。求必登石渠。執竹簡。隨大史之後。大書特書。有如巧匠。袖手旁觀。不斲而徒流覽於千門萬戶。爲羣粹人程巧而致功焉。惜哉。

蘭陔堂詩序

讀詩者得古人所言不如得古人所不言。淵明不肯折
腰見督郵乃賦歸來是說也。余嘗疑之。夫督郵之必至
與縣令之腰之必折。淵明豈不知之。胡所見之。晚而初
策仕之輕也。蓋當日淵明有他意存焉。不可明言而藉
此爲言。蘭州太守鄭先生以弟喪去官。此東漢獨行者
之風也。非今令甲也。先生必希古以違俗。殆亦有難言
者存耶。然淵明雖不言而于詩則微言之。先生雖不言
而于詩亦微言之。讀先生詩者知其爲有淵明之心也。
先生爲漁仲後裔。載萬卷書歸夾漈。過余索序。余以不
文辭。又以不能急就辭。而先生強之甚堅。艤舟以待。余

感先生義甚高交甚廣胡拳拳于野人之一言哉或先生性耽泉石親見枚之乞養者已二十有一年以歸來之人序歸來之人之詩與其有同心而無愧詞也嗚呼此先生所以有石城三日之泊也夫

從弟獲齋詩序

道無難精之者至焉道無易習之者忽焉羿之射秋之
弈蘭子之舞劍淮南之飛昇夔典樂皋陶典刑彼皆知
其難而精之者也人知其精不知其難於是射者弈者
劍舞者吐納求長生者官太常司寇者盈天下而傳者
無聞詩亦然聖如仲尼歌彼婦而已清如伯夷歎命衰
而已無多作也今庸走下士紛紛爲詩詩若是易乎不
數年澌滅淹消百無一存詩若是難乎從弟獲齋學仙
兼學詩有作則瀟灑益奮矚吐聲與雞鳴相上下嘗謂
予曰人稱詩有仙氣則工然仙人頗不工詩今所傳呂
祖白玉蟾詩甚鄙所以然者仙人好逸而惡勞不肯鏤

肝。鉢。腎。故。耳。以。此。觀。之。詩。不。苦。思。雖。仙。人。亦。不。能。工。噫。
嘻。獲。齋。之。於。詩。可。謂。知。之。者。矣。獲。齋。患。胸。中。氣。學。道。後。
小。差。既。苦。吟。柴。瘠。益。甚。稿。定。便。研。研。然。邀。相。質。賞。色。喜。
顏。和。今。夫。五。行。之。味。苦。先。乎。甘。聖。人。之。學。憤。先。乎。樂。然。
則。天。下。之。未。苦。而。甘。未。憤。而。樂。者。其。爲。甘。且。樂。可。知。也。
獲。齋。早。鯨。隨。火。怙。恃。諸。弟。相。繼。歿。五。秋。試。不。第。備。其。身。
走。甌。閩。過。阿。蘭。觀。海。犯。風。魚。之。災。歷。贛。江。而。南。西。抵。彭。
城。覓。一。授。餐。所。不。得。得。亦。不。久。天。之。所。以。苦。獲。齋。者。豈。
獨。詩。哉。然。獲。齋。不。爲。詩。有。苦。而。已。無。樂。也。詩。可。以。由。苦。
而。樂。又。安。知。境。遇。之。樂。乎。其。後。者。不。與。詩。同。也。學。仙。乎。
學。詩。乎。精。之。以。俟。其。至。焉。可。也。爲。仙。人。一。雪。其。不。能。詩。

之。恥焉可也。